



21687

III

Mag. St. Dr.

P

trus

*Tyngniski Josephi: Colossus generis, virtutum et
meritorum magno nomini Petri Zagorzi.
Curati in Chlina sacro. —*

PANEG. et VITAE
Polon. Fol.

Æ. 1692.

C
G

I
Z

ad

M
In

COLOSSUS
GENERIS. VIRTUTVM,
&
MERITORVM,
Magno Nomini:

Perillustis, & Admodum Reverendi Domini,

D. PETRI
ZAGORSKI,

Curati in Chlina,
de Ecclesia DEI MERITISSIMI,
ad Annuam Sui PATRONI
REVOLUTIONEM
SACER:

& Per
M. IOSEPHUM TYXYSKI,
*In Alma Universitate Cracoviensi, Philosophiæ Doctorem,
& Professore,*

Propensissimi affectûs, & calami operâ,

ERECTUS,

&
ADUMBRATUS.

Anno Lapidis Angularis: 1700. Die 29 Iunij.

CCCC

CRACOVIAE, TYPIS VNIVERSITATIS,

IN STEMMA GENTILITIIUM
Perillustriſ & Admodū Rñdi Domini.



24. 687 III

OSTOIÆ à ſtando nomen dixere Poloni,
Luna licet varijs tranſmeet aſtra vijs?
A medio didicit forſ illa rigeſcere ferro,
Cum temnat ſolitas Luna ſubire vices?
Et præter: PETRAM ſuper hic OSTOIA locatus,
Vt ſolidam; vegetum ſpernit habere jubar.
Quando tamen curſum capiet? cum PETRUS in altum
Promeriti (ô vtinam) curret honoris iter.

FRANCISCUS in Trzebinia TRZEBINSKI,
Auditor Eloquentia.

COLOSSUS
GENERIS, VIRTUTUM,
& MERITORUM.

Superbos Regum in saxis manes,
si ementito hucusq; ambitionis vivunt spiritu,
& inter animatas scalpro Lisippi statuas,
immortalitatem loquuntur,
ad factorum condemnatio silentia.

Nimirum:

*Cecus est quorundam perennatura gloria amor,
qui, ut in crassa temporum caligine videantur;
inanes sui in alta turrium iuga, extenuant vires.*

Cruda nimis ad pastum Nominis portio,
cocti lateres:

Suffocatur his, non nutritur immortalitas,
& in lapidibus marmor habet sepulchrale;
quò prostrata in oblivionem tumuletur.

Nullus unquam fastus, ad fastigia gloria sine ruina evasit.

Dura sunt ipsis sculptoribus Saxa,
& tunc;

Si cælum subministrat ambitio, exarat superbia;
sculpendis famæ characteribus resistunt pertinaciter,
chalybes conterunt,

in athomos & ipsa euertenda.

Malè apud Posteris hæc lapidum mole vivitur,
ni adsit vivax, Generis, Virtutum & meritorum spiritus.

Huius ope:

Magno Nomini Tuo,

Perillustri & Admodum Reverende Domine,

D. PETRE ZAGORSKI,

Curate in Chlina Meritissime,

hic in altum gloriæ surgit Colossus;

Fatali nunquam succumbens ruinæ;

A z

quia

quia solidæ ZAGORSCIANI sanguinis innixus basi:
cuius profusio in Posteros alveo,
toties inter fatorum ignes arsura Patria,
funestas evasit favillas.

Vel in ipso Nomine PETRI exstructus, non cadet,
ab ipsis ingrauescentis sæculi, quassatus malleis,
Gentilijs Tuis sacratus Cynthijs;
si viuis meritorum Domus Tuæ, surgit lapidibus.
Stabit in Paternis OSTOIÆ,
Et Maternis STAFFÆ IANOVSCIORVM basibus,
tum omni resistet ruinæ.

Franget avaros dentes invidiosa vetustas,
antequàm Tuam hic corrodat gloriam.
Insatiabilis Magnorum Operum helluo, liuor,
si velit ad sui palatum masticare;
lapidem agnoscet, sed sibi fatalem.

Scilicet:

*Dant scintillas, quod in umbris splendeant,
exarata in saxo Nomina,
quæ fomitem ab Illustrissimis trahunt familijs.*

Sacer Nomini Tuo Colossus

Vt in solidum fusus sit, non bracteatus,
non à lucida tantum Natalium origine,
basim habet:

quam Tibi Gentilijs ZAGORSCIORVM OSTOIA,
tanto deinceps familiarum nexu,
radicatam solidè, & sustenturam omnibus arduis dedit.

Haud ratus;

ex magnis solum Nominibus altitudinem habere gloriæ
virtutis adminiculò usus es;
cuius eximium specimen, ut erigendo Honoris Tui Colosso,
de pari respondeat,
in Generali Studiorum Theatro.

Alma Univerfitate Cracoviensi,

operam dans Studijs,
ex PETRA illa, super quam ipsa moles Ecclesiæ S. fundata,
deriuato robore,

tener

tener adhuc pufio, & jam PETRVS :
& verius quidem, quàm in eunis Hercules
Monstrorum æquahs, Domitori.

Timor Domini, ut initium omnis sapientiæ ;
ita Tuæ, lapis angularis & fundamentum.

Porro : cæteras virtutes superadificatas,
vt nulla Erebi timeant fulmina :

Timore Domini, quasi scuto à latere pendente,
ornâsti, & protexisti.

Velut de saxo, nonnulli processisse sibi execrantur sapientiam :
Tibi meliori Bellerofonti felici, aquæductu fons illius fluxit ;
vt taliter, in sinum gratiæ influeres :

Perillustris olim & Reverendissimi Domini,

D. ADALBERTI ZŁOWODZKI,

Custodis Cracoviensis, Canonici Sandomiriensis,
Præpositi Solecensis &c.

optimas ab illo hausurus virtutes ;
quæ, Tuæ Colossus gloriæ, in altius evehant fastigium.
Nimirum :

PETRV M Te non vano gessisti Nomine ;
captâsti magnorum affectus Virorum,
vt tandem & ipse victima fieres,
ad Altare DEI immolanda.
Procul Rhodij Solis Colossi vertex,
ære fufis radijs coronatus :

Caput Tuum aurum optimum,
pretiô, à sapientia valore, à meritis redimitum.

Lydium lapidem ; ad Curiam suam dedit Tibi,

Celsissimus olim Princeps, Illustrissimus, & Reverendissimus Dominus,

D. IOANNES MALACHOWSKI,

Episcopus Cracoviensis, Dux Severiæ,
Ipse, Ecclesiæ DEI Columna, & Totus Gratia.

Te dum probavit, dignum æstimavit ;
vt vigil, super gregem in Parochiali Chlinensi Pastor,
Sanctam DEO offerrens Hostiam Sacerdos ;
Soli Iustitiæ, in nube Eucharistica, Sacer
fieres Colossus.

Et hic primò, vt Tuo omnino par Nomini stet Obeliscus ;
veniunt turmatim, (viui enim sunt) concentrati,
virtutum, & meritorum lapides.

Tu ipse gratissima Cælestibus Sphæris Harmonia,
& in omnes Vitæ Spiritualis tonos, adamussim vocalis Lyra,
svaui concentu conscientiæ instructa ;
quasi tuba exaltans vocem,

Sanctior ædificij gloriæ Tuæ, extitisti Amphion.

Non Thebas solùm,

Svaui tinnitu impulsa venerunt Saxa,
vt manium ascendant coronam :

sed quod est, è saxea Deucaleonis progenie intractabile,
& tandem in devotionis, & misericordiæ venit sphæram ;
Tux id debet Eloquentiæ.

Sacer DEI Oraculorum Apollo;

plures in Delpho nostra, Aras meruisti ;
vel inde totus aureus :

quòd, quidquid dixeris, aut aurum, aut ipsò pretiosius obrizò est.

Verè Cyneas in Sacro Suggestu ;

vt rebelles DEO animas, in funiculo charitatis trahas,
catenis Eloquentiæ aureis vteris.

In Ecclesia Tua Chlinensi

deflexus situosæ Antiquitatis,

seruentem Honori Avix Salvatoris S. ANNÆ extinxit Sodalitatem ;

Tu felix Prometheus, & totus in DEI amore Vesuvius,
recentissimè iterum has devotionis accendisti flammæ :

Pijssimâ Vestâ MARIANNA de Brzezie,

Illustris olim & Magnifici Domini,

D. GEORGIJ in Trzebina TRZEBINSKI; Consorte ;

Oleum perpetuæ foundationis, ne lampas hæc devotionis suffocetur,
fundente.

Cuius anima, vt etiam inter Prudentes Virgines,
ad Cælestes Agni Immaculati Nuptias veniat,
in Nomine PETRI, repulsam non timet ;
cui Claves Regni Cælorum tradita.

Diru-

Dirutam sua in funera Ecclesiam Chlinensem,
cæca videret impietas :

ni tu multarum in Cælis memor mansionum,
Domum DEI, in terris postquam receperis lateritiam,

Marmoream redderes.

Ita: bonus animus ipse sibi est immortalitatis Architectus.

Auratò, Iovem si credidit Antiquitas gaudere thorò;

Tuo ære, in Ecclesiæ decus penitus erogato,

Altaria Sanctorum non aurata solum, sed ex asse fundata;

altiores gloriæ Tux erigunt colles.

Dat pretium Tuo Nomini servata pauperum salus,

illam omni meliorem metallo existimans;

quoties egentium sublevas inopiam,

toties assurgis in fastigium meritorum:

diem amissurus ni bene feceris.

Manus tuæ trullam agunt,

dum æs fundunt in aridas aliquorum fortunas,

immortalitatis iungunt structuram.

Aliter: non videntur quamvis magna nomina,

si abiectam horum despiciunt parvitatem;

Et si vident, non attendunt, ut aduertant.

Augustam nunc Tui Nominis metire vastitatem;

Colossus Tibi Sacer,

qualem umbram ad vitæ occasum dabit,

ad tantos Virtutum splendores expositus.

Dabit mensuram magnitudinis Honorum Tuorum;

quos tu ubi potes, evitas.

Ita certè:

nolle Honorem, quem summa Virtutum meretur dignitas:

Summus Honor est.

Porro: mens generosa scit contemnere fortunam:

qua, sapius ipsos Polycrates, versatili rotat circulo;

Et illos extra sphaeram dignitatum projicit,

quos coronant merita.

Satis esse & Tibi,

Perillustri, & Admodum Reverende Dñe,
nullò honorum vocari titulò,
cùm absq; hoc vano nominis sonitu;
& ipsis bene audiris Astris.

Ergo illa Beatorum sedes;

cuius Porta, sunt singula Margaritæ,

cuius Muri, sunt Lapides pretiosi:

Te PETRAM Ecclesiæ DEI firmissimam,
in omnigenæ felicitatis stabilitate,
reddat immobilem.

Profectò:

durabunt in Tuo Nomine,

inestimabiles Virtutum adamantes,

hoc compacti Colosso:

in quo, & vota mea, indelebili caractere, expressa,

vt felix, & longævus vivas,

etiam sub marmore loquentur.



Permissu Magnifici Domini
R E C T O R I S.



Biblioteka Jagiellońska



stdr0024771

